

BOSNA I HERCEGOVINA FEDERACIJA
 BOSNE I HERCEGOVINE
 ZENIČKO-DOBOJSKI KANTON
 GRAD ZAVIDOVIĆI
 Privredni savjet Grada Zavidovići
 Broj: 02-43-3151/22-AP-3
 Datum: 28.12.2022. godine



Na osnovu člana 13. Poslovnika o radu Privrednog savjeta Općine Zavidovići, broj: 02-05-1818/17 -AP-12 od 30.06.2017. godine i broj: 02-04-29/21-AP-25 od 27.04.2021. god., na 18. sjednici Privrednog savjeta Grada Zavidovići, koja je održana 23.12.2022. godine u Maloj sali zgrade Grada Zavidovići sa početkom u 14:00 sati, sastavljam

ZAPISNIK

Na sjednici Privrednog savjeta prisutni su: Hašim Mujanović, Džeraldina Miličević, Mirela Bašić, Haris Mujanović, Enesa Bukvić, Slađan Ilić, Admir Bajraktarević, Remzo Sinanović, Birnas Parić, Alen Muharemović i Ajdin Polić.

Na sjednici Privrednog savjeta nisu prisutni: Sabahudin Horozović, Ermin Begović, Emir Okanović, Amir Omerašević, Asim Faljić, Mustafa Hasaković, Erna Merdić-Smailhodžić.

Prisutni izvjestiocina na 18. sjednici Privrednog savjeta Grada Zavidovići: Amira Tadić-šef odsijeka za budžet i trezor.

Zapisnik vodila tehnički sekretar: Merima Bašić.

Konstatuje se da je na sjednici prisutno 11 članova Privrednog savjeta od ukupno 18 članova; izvjestioci ukupno: 1.

Konstatuje se da je prisutan potreban broj članova Privrednog savjeta da bi se moglo punovažno raspravljati i odlučivati, kako je propisano članom 7. Poslovnika o radu Privrednog savjeta, odnosno potrebno je prisustvo natpolovične većine članova.

Predsjednik Privrednog savjeta Hašim Mujanović predlaže sljedeći dnevni red:

- 1) Status zaključaka donesenih na sjednicama Privrednog savjeta Grada Zavidovići **(izvjestilac Ad.1. Džeraldina Miličević, pomoćnik gradonačelnika)**,
- 2) Prijedlog Budžeta Grada Zavidovići za 2023. godinu,
- 3) Prijedlog plana kapitalnih investicija Grada Zavidovići revidiran za period za 2023.-2027. godine, **(izvjestilac Ad.2. i Ad.3. - Amira Tadić-šef odslijeka za budžet i trezor)**,
- 4) Akcioni plan realizacije Strategije integriranog razvoja Općine Zavidovići za period 2017-2026 za 2023. godinu sa trogodišnjim planskim periodom 2023.-2025.godina,

5) Odluka o pristupanju izradi revizije Strategije integriranog razvoja Grada Zavidovići za period 2017-2026 revidirane za period 2021-2027. godine, (**izvjestilac Ad.4. i Ad.5. - Džeraldina Miličević, pomoćnik gradonačelnika**),

6) Razno.

Dnevni red se stavlja na diskusiju i pozivaju se članovi Privrednog savjeta da predlože izmjene ili dopune predloženog dnevnog reda.

Prijedlog za izmjenu dnevnog reda se usvaja jednoglasno i prelazi se na rad po istom.

Ad.1. Status zaključaka donesenih na sjednicama Privrednog savjeta Grada Zavidovići;

Izvjestilac pomoćnik gradonačelnika Džeraldina Miličević iznosi pojašnjenja i dodatne informacije po ovoj tački dnevnog reda.

Predsjednik privrednog savjeta otvara diskusiju po ovoj tački dnevnog reda.

Diskusije nije bilo.

Zaključak: Prihvata se Status zaključaka donesenih na sjednicama Privrednog savjeta Grada Zavidovići.

Zaključak je usvojen jednoglasno.

Ad.2. Prijedlog Izmjene i dopune Budžeta Grada Zavidovići za 2023. godinu;

Izvjestilac šef odsijeka za budžet i trezor Amira Tadić, konstatuje da je u proceduri donošenja prijedloga budžeta za 2023. godinu. Nacrt budžeta je usvojen od strane Gradskog vijeća, te da ga je vijeće uputilo na Javnu raspravu. Javna rasprava u Nacrtu budžeta trajala je od 31.10.2022-30.11.2022. Održana je rasprava 17.11.2022. godine u velikoj Sali gradske uprave. Nadalje navodi da ima novi transfer za nabavku zemljišta za proširenje mezarja Flos i za deponiju građevinskog i krutog otpada, a što nije bilo u Nacrt budžeta, kao i kapitalni transfer za zdravstvo, JU“Dom zdravlja“ za nabavku opreme i novi transfer za jednokratne novčane pomoći za liječenje demobilisanih boraca, te subvencije komunalnom preduzeću „Radnik“.

Predsjednik Privrednog savjeta otvara diskusiju po ovoj tački dnevnog reda.

Hašim Mujanović: Navodi da što se tiče pomoći javnog komunalnog preduzeća, očekujete se u toku ove godine i naredne godine da bude usvojen novi cjenovnik, izmjene cjenovnika komunalnih usluga, i iz tog razloga su predviđena izdvajanja koje bi išlo za socijalno ugrožene kategorije.

Zaključak: Prihvata se Prijedlog Izmjene i dopune Budžeta Grada Zavidovići za 2023. godinu.

Zaključak je usvojen jednoglasno.

Ad.3. Prijedlog Plana kapitalnih investicija Grada Zavidovići revidiran za period 2023-2027. godine;

Izvjestilac Džeraldina Miličević konstatuje da se svake godine ažurira plan kapitalnih investicija za 5 godina. Način izrade i kriteriji su raspisani u Javnom pozivu svim zainteresovanim da dostave prijedloge projekata zajedno sa obrascem za podnošenje projekata. Navodi da je potrebno dati instrukcije i upute oko ispunjavanja obrasca. Ažuriran je plan kapitalnih investicija u skladu sa raspoloživim sredstvima naredne godine, računajući i budžetska sredstva i sredstva koja će biti iz vanjskih izvora finansiranja, viši nivoi kao i eventualno donatori.

Predsjednik Privrednog savjeta otvara diskusiju po ovoj tački dnevnog reda.

Admir Bajraktarević: Navodi da je kandidatski status prilika za fondove i projekte.

Džeraldina Miličević: Konstatuje da će lokalne zajednice biti spremne i da je problem u državi, koja nije u stanju da se dogovori oko Ministarstva na nivou države. Službe nisu ni kvalitativno, a ni kvantitativno spremne za evropske projekte, te da imamo lokalnu razvojnu agenciju, te mislim da ćemo učiniti najbolje što možemo.

Sladan Ilić: Navodi da prenos znanja i iskustva treba iskoristiti i da je potrebno objasniti mjesnim zajednicama oko građevinskih projekata i dozvola i prijave.

Džeraldina Miličević: Navodi da iste apliciraju i iniciraju projekta, a investitor je grad.

Sladan Ilić: Konstatuje da Zavidovići imaju dobre prakse preko Tajana, Atoma, ali da sada već nema novih ideja, suradnika, sada je kritičan period.

Hašim Mujanović: (...).

Remzo Sinanović: Navodi da ako želimo da se posvetimo turizmu, treba više puteva da asfaltiramo, put za Mitroviće, put za Priluk i mnoge druge, kao regulisati i građevinske dozvole.

Sladan Ilić: navodi da je ipak potrebno poraditi na izgledu središta grada, kao i izgradnji objekats za centar za socijalni rad.

Džeraldina Miličević: da bi se iskoristila donatorska sredstva potrebno je odlučiti da li će se proširi postojeći objekat ili izgradi novi objekat gdje bi bio smješten i centar za zdravo starenje.

Almir Bajraktarević: dodaje da GSS ima problem sa prostorom i odlaganjem opreme, te da nemaju odgovarajući magacin.

Ajdin Polić: IPA program je odobren-odlična tematika i prilika. Predlože zaključak: proširenje postojećih industrijskih zona, konkretno Ekonomija, kao i proglašenja novih, koliko je moguće poslovni inkubator proglasiti industrijskom zonom.? Šta se može učiniti

kod proširenja industrijske zone Vozuća, ili proširenje Batvice.

Džeraldina Miličević: Navodi da cijelo područje gdje se nalazi RAZ ima smisla proglasiti industrijskom zonom. Proglašenje inkubatora je dobra ideja kao i projekat povećanja spratnosti, te da jedan dio inkubatora bude zeleni inkubator-princip zelene ekonomije.

Remzo Sinanović: Navodi da se može realizovati Vozuća, dok se za Ekonomija-Batvice mora promijeniti prostorni plan. Kućice se ne nalaze u Prostornom planu-problem je pristupni put.

Alen Muharemović: Konstatuje da su prilazi gradu jako loši-da se u Plan kapitalnih investicija uvrsti rješavanja prilaza gradu, sređivanje, izmještanje naselja.

Remzo Sinanović: Dodaje da u nacrtu Regulacionog plana riješen jedan dio ulaza Rupin dol-sa kružni tok. Manji problem je ulaz od pravca prema Zenici, osim nepregledne okuke na pravcu skretanja Zenica-Gostović.

Alen Muharemović: Drugi gradovi rade i treću traku (...).

Admir Bajraktarević: Dodaje da je dobro što je sada problem preuzela Federacija i što je to u njihovoj nadležnosti, te da će to vremenom regulisati. Već je počelo krčenje puta i sl.

Hašim Mujanović: Dodaje da direkcija projektuju izmještanje kompletne saobraćajnica od Rupina dola prema koritu rijeke Krivaje, sa potpornim betonskim zidom, s tim da će ostati izdvojena saobraćajnica za njih, s a panelima.

Admir Bajraktarević: (...)

Ajdin Polić: (...).

Džeraldina Miličević: Postavlja pitanje da li je moguće Regulacionim Planom da se dio oko Razvojne agencije proglasi industrijskom zonom?

Alen Muharemović: Postavlja pitanje u kojem vremenskom periodu se može napraviti novi Prostorni plan za proširenje industrijske zone Ekonomija-Batvice?

Remzo Sinanović: Konstatuje da je potrebno godinu dana inicijativu regulacionog i prostornog plana.

Hašim Mujanović: predlaže da se izmjene predlože vijeću.

Alen Muharemović: Postavlja pitanje vezano za stanje Maoče i Kamenice?

Hašim Mujanović: Navodi da su to su regulaciona područja, nisu industrijska. Uzeli smo prioritet Kamenicu, nismo Maoču.

Slađan Ilić: Navodi da podržava Ajdinove prijedloge za poslovne zone, posebno Vozuća.

Hašim Mujanović: Navodi da je započet postupak industrijskih zona, kao i izmjena Prostornog plana.

Džeraldina Miličević: Konstatuje da postoji mogućnost formiranja energetske zajednice: grad Zavidovići, građani, nevladini sektori i privrednici.

Enesa Bukvić: Navodi da bi bilo zainteresovanih, samo je potrebno da se privrednici više informišu oko tog projekta, kao i potrebna dokumentacija.

Hašim Mujanović: Predlaže da se napravi konferencija, prezentacija.

Zaključak: Prihvata se Prijedlog Plana kapitalnih investicija Grada Zavidovići revidiran za period 2023-2027. godine.

Zaključak je usvojen jednoglasno.

Ad.4. Akcioni plan realizacije Strategije integriranog razvoja Općine Zavidovići za period 2017-2026. za 2023. godinu sa trogodišnjim planskim periodom 2023.-2025. godina;

Izvjestilac Džeraldina Miličević konstatuje da se svake godine pravi plan po principu 1+2 kako je propisano uredbom i Zakonom o planiranju i upravljanju razvojem FBiH, što podrazumjeva da se radi detaljniji akcioni plan za narednu fiskalnu godinu i sa finacijskim indikacijskim oblikom za naredne dvije godine. Akcioni plan je zasnovan na strateškim ciljevima, mjerama, programima, projektima definiranim strategijama integriranog razvoja Grada Zavidovići za period 2017-2026. godine. Baziramo se na principu realističnosti akcionog plana koji se zasniva na budžetu i raspoloživim sredstvima koja su izvjesna, odnosno donesene su odluke na višim nivoima o dodjeli određenih sredstava.

Predsjednik Privrednog savjeta otvara diskusiju po ovoj tački dnevnog reda.

Diskusije nije bilo.

Zaključak: Prihvata se Akcioni plan realizacije Strategije integriranog razvoja Općine Zavidovići za period 2017-2026. za 2023. godinu sa trogodišnjim planskim periodom 2023.-2025. godina.

Zaključak je usvojen jednoglasno.

Ad.5. Odluka o pristupanju izrade revizije Strategije integriranog razvoja Općine Zavidovići za period 2017.-2026.,revidirane za period 2021.-2027. godinu;

Izvijestila Džeraldina Miličević predlaže da se uzme učešće u izradi, odnosno reviziji postojeće strategije, da bi ona bila za naredni period sačinjena što kvalitetnije. Navodi da će se nastoji strategiju uskladiti sa trendovima koji tada nisu bili aktuelni, kao i novim trendovi- (energetska efikasnost, zelena ekonomija, agenda 2030.), nastojimo se pripremiti za buduće pozive i fondove koji će doći i očekujemo sredstava, gdje smo već i aplicirali i nadamo se ući u taj program. Takođe se prilagođavamo uslovima donatora, nadalje da se planski period

prilagodi planskom periodu Evropske unije i drugim planskim dokumentim. Nastojat će se uključiti i sve sektorske strategije, a što je propisano i novim zakonom i pratećim uredbama.

Predsjednik Privrednog savjeta otvara diskusiju po ovoj tački dnevnog reda.

Diskusije nije bilo.

Zaključak: Prihvata se Odluka o pristupanju izrade revizije Strategije integriranog razvoja Općine Zavidovići za period 2017.-2026., revidirane za period 2021.-2027. godinu.

Zaključak je usvojen jednoglasno.

Ad.6. Razno;

Ajdin Polić: Predlaže inicijativu: održavanje privrednog sajma.

Džeraldina Miličević: Postavlja pitanje za kocept sajma, sadržaja?

Ajdin Polić: Predlaže, a na osnovu iskustva iz regije, jedan dio sajma gdje privrednici izlažu svoje proizvode, klasično sajamski; drugi dio bi bio privredni forum, gdje se održavaju panel-diskusije gdje se učešće daje privredi.

Džeraldina Miličević: Predlaže da se privrednici anketiraju o vrsti saradnje, potrebe privrednika, vrste poticaja..?

Ajdin Polić: (...).

Sladjan Ilić: (...).

Enesa Bukvić: Predlaže da se promijeni naziv sajma, gdje će se širi krug ljudi prijaviti, predstaviti sve što se nudi u Zavidovićima, da bude prilika za mnoge koji će to prihvatiti kao priliku za prezentaciju i biznis.

Džeraldina Miličević: Konstatuje da sajam treba podići na veći nivo, angažovati nekog iz komora, iz državnog ministarstva, FIPE, ministra obrta..i sl., postaviti drugačiju sliku o samom sajmu, udružiti se sa privrednicima, organizacijama. Mi ćemo pripremiti inicijativu i koncept sajma za sljedeću sjednicu pa ćemo ramotriti.

Ajdin Polić: (...).


Sjednica Privrednog savjeta završena u 15:30 sati.

ZAPISNIK SAČINILA



Merima Bašić

ZAPISNIK OVJERAVA
PREDSJEDNIK PRIVREDNOG SAVJETA



doc.dr. Hašim Mujanović